

INUIT ATAQATIGIIT

Inatsisartuni



30. august 2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

1. Naalackersuisut Inatsisinik atuutsitsinermut suliassa qarfimmi periusissatut suliniutissanullu pilersaarutaanni immikkoortukkuutaani tullerriiarinerni pingaarnersiunerit allannngortiteqqissimanerannut suleriaaseq qanoq issimava?
2. Danskit inatsisinik atuutsitsinermut ministeria qarfiata pingaarnersiunerup allannngortinnissaanik siunnersuuteqartuusimappat?
 - a. Inatsisinik atuutsitsinermik ministeria qarfiup tullerriiarinermik allannguuteqarnissamik siunnersuuteqartuusimappata, siunnersuutaasunut Naalackersuisut allannguuteqaaqqikkumasimappat?
3. Inatsisinik atuutsitsinermut ministeria qarfiup tullerriiarinermik allannguinissamut siunnersuuteqarnerminni nunatsinni inatsisinik atuutsitsinermut suliassa qarfimmut ukiumi sisamani tulluuttuni ukiumut 10 mio. kr.-nik Folketingimit aningaasaliissutaasussat peqqutigisimavaat?
4. Inatsisinik atuutsitsinermut ministeria qarfiup 10 mio. kr.-nik aningaasaliisimaneq peqqutigisimappagu Naalackersuisut inatsisinik atuutsitsinermut suliassa qarfimmi suliassanut kinguleruttoortunut aaqqiiniarnermut 10 mio. kr.-it naammangilluinnarnerannik erseqqissumik nalunaarutigisimavaat?
5. Inatsisinik atuutsitsinermut suliassa qarfimmi suliassanut kinguleruttoortunut aaqqiiviginninnissaq anguniarlugu 10 mio. kr.-it sinnerlugit danskinit naammattumik aningaasaliisoqarnissaa Naalackersuisut qanoq qulakkeerinninniarpat?
6. Naalackersuisut Inatsisinik atuutsitsinermut suliassa qarfimmi periusissatut suliniutissanullu pilersaarut akulikitsumik allannngorteqattaarpassuk Kalaallit Nunaata periusissiaq aqqutigalugu erseqqissuliortoqarsimanerata malinneqaannarani periusissiali aamma akuersaarneqarnissaa Naalackersuisut qanoq qulakkeerniarpaat?

(Inatsisartuni ilaasortaq Sara Olsvig, Inuit Ataqatigiit)

Tunnngavilersuut:

Naalackersuisut juunip 14-ni ataatsimiinnerminni Inatsisinik atuutsitsinermut suliassa qarfimmi periusissatut suliniutissanullu pilersaarummi suliassanik tullerriiarinermi nutaamik pingaarnersiuisoqassasoq aalajangiuppaat, ilanngullugulu akueralugu ”Inatsisinik atuutsitsinermut immikkut aningaasaliissutit pillugit inassut taamatut isikkoqartillugu akuerineqassasoq aamma Justitsministeria qarfik tamanna pillugu ilisimatinneqassasoq”. Apeqqutaaleqqavorlu ”inatsisinik atuutsitsinermut immikkut aningaasaliissutit” tasaanersut danskit aningaasanut inatsisaanni

ukiumut 10 mio. kr.-nit nunatsinni inatsisunik atuutsitsinermut suliassaqarfimmut atugassiaasut aalajangiussaasimasuni pineqarnersut.

Inuit Ataqatigiinni pingaarnersiuisimanermi tullerriiaarinernik allannguisoqarsimanera isornartoqartippagut, ingammik danskit inatsisunik atuutsitsinermut ministeriaqarfiup peqqusineratigut Kalaallit Nunaata pingaarnersiuiuneranik allannguisoqarsimappat. Pingaarnersiuiinermi tullerriiaarinermik allannguinissamut suleriaaseq qanorpiaq issimanersoq paaserusupparput ilanngullugulu paaserusullugu ukiumut 10 mio. kr.-niinnaat atornagit suliassaqarfimmi suliassarpasuit suliarinissaannut aningaasaliisoqaqqinnissaanut qanoq qulakkeerinnittoqarniarnersoq.

10 mio. kr.-nik aningaasaliisoqarmat soorunami nuannaarnikooqaagut, atsiortorli Inatsisunik atuutsitsinermut naalakkersuisuunermini erseqqilluinnartumik oqariartuutigaa¹, 10 mio. kr.-it naammaqqajarnaviannngimmata.

Ullut suliffiusut qulit qaangiutsinnagit akineqarsimanissarput naatsorsuutigaarput.

¹ <http://sermitsiaq.ag/sara-olsvig-boer-slut-brandslukning-justitsomraadet>